

Bosna i Hercegovina
Federacija Bosne i Hercegovine
Kanton Sarajevo
Općina Hadžići
OPĆINSKI NAČELNIK



1287

Bosnia and Herzegovina
Federation of Bosnia and Herzegovina
Sarajevo Canton
Municipality of Hadžići
MUNICIPALITY MAYOR

Broj: 02-45-5928/20
Hadžići, 18.08.2020. godine

KANTON SARAJEVO
Služba za skupštinske poslove
Na broj: 15-04-25003-6/20

Bosna i Hercegovina
Federacija Bosne i Hercegovine
KANTON SARAJEVO

PRIMLJENO: 18-08-2020			
Organizaciona jedinica	Klasifikacija	Redni broj	Broj prijema
15	09	25003-31	

Predmet: Podaci, dostavlja se.-

U vezi vašeg akta broj gornji, od 29.07.2020. godine, koji smo zaprimili dana 06.08.2020. godine, dostavljamo vam sljedeće podatke:

Predložena inicijativa zasniva se na krivim i netačnim ulaznim podacima, koji su osnova za uvrštavanje iste na dnevni red Skupštine Kantona Sarajevo. „Prostorni plan R BiH za period od 1991-200.“ ne postoji, pa stoga u njemu planine Bjelašnica i Igman nisu ni mogle biti planirane kao nacionalni parkovi. Dakle, ova inicijativa nema svog zakonskog osnova.

Kanton Sarajevo i Općina Hadžići imaju planske dokumente koji su propisani Zakonom o prostornom uređenju Kantona Sarajevo (Sl. Novine Kantona broj 24/17 i 1/18), kojim je decidno, u poglavlju III, definisano koje vrste planova su osnova za plansko uređenje prostora.

Ti dokumenti su:

Prostorni plan Kantona Sarajevo za period 2003. do 2023. godine (Sl. Novine Kantona Sarajevo broj 26/06),

Izmjene i dopune Prostornog plana Kantona Sarajevo za period od 2003. do 2023. godine (Sl. Novine Kantona Sarajevo broj 22/17).

Prema ova dva osnovna planska dokumenta, prirodna cjelina Bjelašnica i Igman od značaja za Kanton Sarajevo, je površine 19.233 ha, zauzima prostor općina Hadžići, Trnovo i Ilidža. Unutar date cjeline, u skladu sa navedenim planskim dokumentima, egzistiraju zone sporta i rekreacije, urbana naselja, dok su najveće površine šume, šumsko i ostalo zemljište, koje su, prema namjeni

površina, definisane kao građevinsko zemljište. Građevinsko zemljište u državnom vlasništvu je resurs koji je bitan za jedinice lokalne samouprave. Prostori sporta i rekreacije, koji se nalaze unutar prirodne cjeline Igmana i Bjelašnice od značaja su za Kanton Sarajevo.

Na području općina Hadžići i Trnovo ima više površina koje su od interesa i za FBiH ali još nemaju takav status jer nisu obrađene kroz prostorno-plansku dokumentaciju.

Prije nego što se Skupština upusti u ovaj vrlo delikatan postupak, skrećemo pažnju na činjenicu da je Ustavni sud FBiH Presudom broj U-20/11 od 06.12.2011. godine, utvrdio da je primjenom Odluke o utvrđivanju Igmana, Bjelašnice, Treskavice i kanjona rijeke Rakitnice

(Visočica), područjem posebnih obilježja od značaja za FBiH i Odlukom o pristupanju izradi prostornog plana područja posebnih obilježja za FBiH Igman, Bjelašnica, Treskavica i kanjon rijeke Rakitnica (Visočica) za period od 2007.- 2027. godine (Sl. Novine FBiH broj 11/09), povrijeđeno pravo općina Hadžići i Trnovo na lokalnu samoupravu.

Kao jedan od razloga za donošenje ovakve odluke Ustavni sud je naveo da sporne odluke imaju nesumnjiv uticaj na pravo na lokalnu samoupravu kroz ograničenja nadležnosti općina, prvenstveno iskazanu kroz finansijske gubitke općina radi praktične primjene osporenih odluka. Ove odluke tretirale su dijelove planina Bjelašnice i Igmana, a proglašenje istih nacionalnim parkovima još više bi zadiralo u pravo općina Hadžići, Trnovo i Ilidža na lokalnu samoupravu, radi čega bismo ponovo pokrenuli postupke pred Ustavnim sudom FBiH.

Ovo posebno naglašavamo da vam skrenemo pažnju, da nećemo dopustiti da se pojedinci miješaju u nadležnosti jedinica lokalne samouprave da bi postigli popularnost, a ne poznaju niti zakonsku regulativu niti prostorno-plansku dokumentaciju, niti ko je nadležan da se o čemu stara u ovoj oblasti.

Na dijelovima Igmana i Bjelašnice koji su na teritoriji općine Hadžići, nema bespravne izgradnje, nema pojedinačne izgradnje osim objekata koji su postojali i prije rata, a na kojima godinama poslije ništa nije mijenjano.

U vezi zaštite šuma, podsjećamo vas da je Zakonom o šumama Kantona Sarajevo (Sl. Novine Kantona Sarajevo broj 5/13), poglavljem IV propisano da je za zaštitu šuma i njihovih funkcija nadležno i odgovorno Ministarstvo privrede Kantona Sarajevo. U sastavu ovog Ministarstva nalaze se inspekcije koje kontrolišu i osiguravaju zaštitu šuma. U članovima od 64. do 69. istoga Zakona, definisano je da nadzor nad provođenjem ovog Zakona uključuje i inspeksijski nadzor, a to je opet u sastavu Ministarstva privrede Kantona Sarajevo. Dakle, za pitanje zaštite šuma, općine nisu nadležne pa za te aktivnosti i ne mogu ponuditi adekvatne informacije o stanju u toj oblasti.

Općina Hadžići nije zadovoljna radom nadležnog ministarstva na zaštiti šuma, pa ni na dijelu koji se odnosi na planine Bjelašnicu i Igman.

Prema sadašnjem gruntovnom stanju Sarajevo-šume“ d.o.o. gazduju sa 177 km² šume u njihovom vlasništvu kao i 13 km² šume u vlasništvu Općine Hadžići, od koje je veliki dio građevinsko zemljište za koje odredbe člana 6. Zakona o građevinskom zemljištu F BiH“

(„Službene novine F BiH“ broj: 25/03) propisuju da pravo upravljanja i raspolaganja istim ima samo općina.

Ministarstvo dopušta da se šume koriste na osnovu nezakonitih šumsko-privrednih osnova, koje nisu usklađene sa Planom prostornog uređenja Kantona Sarajevo, radi čega Općina Hadžići od 2017. godine, daje negativno mišljenje na plan realizacije važeće Šumsko-privredne osnove. No i pored toga, po odobrenju Ministarstva, ovakva Šumsko-privredna osnova se, na štetu Općine Hadžići i njenih građana, godinama realizuje.

Prilikom utvrđivanja šumsko privredne osnove ne uzima se u obzir prostorno planska dokumentacija, prema kojoj je veliki dio površina koje su predmetom Šumsko-privredne osnove i tretiraju se kao šumsko zemljište, ustvari građevinsko zemljište u državnom vlasništvu. Ove površine upisane su sa pravom raspolaganja u korist Sarajevo-šuma. Radi toga, jasno nam je na koji način se nadležno Ministarstvo odnosi prema šumama i šumskom zemljištu, kad ne raspolaže sa osnovnim podacima o površini koju zauzimaju šume i šumska zemljišta.

Kao posljedica takvog odnosa nadležnog Ministarstva, na terenu se provodi prekomjerna sječa šume, sječa u blizini izvorišta pitke vode koja imaju svoje zone zaštite, a koja se zbog takve sječe mute i na taj način se ugrožava zdravlje stanovnika općine Hadžići.

Prije razmatranja bilo kakvog uređenja prostora na području Bjelašnice i Igmana, potrebno je riješiti pitanja bespravnog upisa Sarajevo-šuma na kompletnom zemljištu u državnom vlasništvu na ovom prostoru. Među tim zemljištem ima i šumskog i građevinskog i poljoprivrednog zemljišta.

Prema pozitivnom pravu, na građevinskom zemljištu u državnom vlasništvu pravo raspolaganja pripada općinama, na poljoprivrednom zemljištu FBiH, a šumsko zemljište je u državnom vlasništvu.


Bjelašnica i Igman niti u jednom ranijem planu prostornog uređenja nisu bili tretirani kao nacionalni parkovi, jer nemaju prirodnih predispozicija, koje se po zakonu traže, da bi se proglasili nacionalnim parkom.

Pitanje prostornog tretmana Bjelašnice i Igmana detaljno je regulisano Prostornim planom Kantona Sarajevo za period 2003. do 2023. godine (Sl. Novine Kantona Sarajevo broj 26/06), i Izmjenama i dopunama Prostornog plana Kantona Sarajevo za period od 2003. do 2023. godine (Sl. Novine Kantona Sarajevo broj 22/17). Potrebno je da pristupite realizaciji postojeće prostorno-planske dokumentacije i tako izvršavate svoje nadležnosti.

S poštovanjem,

DOSTAVLJENO:

1. Naslovu;
2. Evidenciji;
3. Arhiva



Po ovlaštenju Općinskog načelnika
broj 03-34-1423/5 od 28.05.2015.god.
Pomoćnik načelnika, Izet Koro